

Bukan tanda ALLAH tidak sayang

Keputusan kerajaan tangguh ibadah haji musim ini demi kemaslahatan ummah



KEPUTUSAN kerajaan Malaysia menangguhkan penghantaran jemaah haji bagi tahun 1441 Hijrah sudah pasti memberi tamparan hebat kepada lebih 30,000 bakal jemaah haji di negara ini.

Begitu juga dengan langkah Arab Saudi mengehadkan jumlah jemaah haji kepada 1,000 orang sahaja bermula 29 Julai ini, tentunya jutaan bakal haji dari seluruh dunia gundah-gulana kerana ada antara mereka yang telah pun membuat persiapan rapi untuk melengkapkan Rukun Islam kelima itu.

Tidak kurang kedengaran suara dan andaian negatif hingga sanggup mengungkapkan kata-kata kononnya "Tak dapat pergi haji kerana duit yang disimpan selama ini tidak berkat". Hati mana yang tidak terguris lantaran tohmahan yang dibuat angkara kejahilan.

Adakah peristiwa penangguhan sebegini berlaku buat pertama kalinya dalam sejarah haji di Baitullah?

Merujuk kepada laporan *Arab News*, akhbar yang diterbitkan di Arab Saudi, Yayasan Penyelidikan dan Arkib Raja Abdul Aziz di Riyadh menyatakan, pernah berlaku sekitar 40 kali pembatalan haji.

Laporan itu menyebut, ada beberapa penyebabnya. Antara lain adalah dek konflik bersenjata dan juga wabak penyakit.

Pembatalan ibadah haji dan umrah juga pernah terjadi ketika zaman Rasulullah SAW iaitu pada tahun keenam Hijrah selepas bermimpi memasuki Kaabah. Namun, baginda akur dengan ketentuan yang telah ditetapkan ALLAH terhadap dirinya dan para sahabat yang mengikutinya pada tahun tersebut setelah dihalang daripada memasuki Makkah.

Ketahuilah, Islam menjawab setiap persoalan melalui neraca timbangan syariat. Maqasid syariah (tujuan syariat) boleh dijadikan rujukan dan panduan. Fahamilah elemen yang ditekankan dalam prinsip itu untuk kemaslahatan ummah terutama ketika dunia menghadapi wabak Covid-19.

Maqasid syariah amat menekankan keselamatan agama, nyawa, akal, keterurusan dan harta. Dalam situasi wabak Covid-19, memelihara nyawa (*hifz an-nafs*) amat dititik berat dan diutamakan.



PF Pembatalan ibadah haji dan umrah juga pernah terjadi ketika zaman Rasulullah SAW iaitu pada tahun keenam Hijrah selepas bermimpi memasuki Kaabah. Namun, baginda akur dengan ketentuan yang telah ditetapkan ALLAH terhadap dirinya dan para sahabat yang mengikutinya pada tahun tersebut setelah dihalang daripada memasuki Makkah.

Dengan statistik jangkitan dan kematian yang semakin meningkat di seluruh dunia akibat pandemik itu, masyarakat sepatutnya memahami prinsip memelihara nyawa perlu diberi keutamaan.

Elak mudarat

Apatah lagi pergerakan ibadah haji yang sememangnya terdedah kepada kesesakan yang tidak mungkin dielakkan. Bayangkanlah ketika ibadah tawaf, sai, melontar dan berada di Arafah, ia dihadiri oleh jutaan umat Islam dari seluruh dunia.

Justeru, penangguhan musim haji oleh kerajaan Arab Saudi merupakan inisiatif yang wajar dipuji. Biar umat Islam tidak terdedah kepada bahaya wabak Covid-19 yang sehingga kini belum ditemui penawarnya.

Pendekatan itu begitu berhemah, bersesuaian dengan hadis yang diriwayatkan oleh Ibnu Abbas RA bahawa

Rasulullah SAW bersabda: "Tidak boleh memberi mudarat dan tidak boleh membala kemudarat dengan kemudarat." (*Riwayat Ibnu Majah*)

Hadis itu jelas melarang melakukan sebarang kemudarat, apatah lagi membala kemudarat dengan kemudarat yang lain.

Samalah jua prinsipnya apabila kerajaan tidak membenarkan umat Islam mengerjakan solat berjemaah di masjid mahupun di surau.

Walaupun kita tidak berpeluang menjadi tetamu ALLAH pada tahun ini, bukan bermakna ALLAH tidak sayangkan kita atau tidak memilih kita sebagai tetamu-NYA. Percayalah, sudah tentu hikmahnya amat besar dan hanya YANG MAHA BERKUASA mengetahuinya.

Ia sepertimana dalam firman ALLAH SWT: "Boleh jadi kamu membenci sesuatu, padahal ia amat baik bagimu, dan boleh jadi (pula) kamu menyukai sesuatu, padahal ia amat buruk bagimu; ALLAH mengetahui, sedang kamu tidak mengetahui." (*Surah al-Baqarah, ayat 216*)

Ya, kadangkala kita berusaha menggapai, bahkan bermati-matian untuk mendapatkan sesuatu yang nampak baik bagi kita, bahkan rela mengorbankan sesuatu yang bernilai untuk memperolehnya. Sesungguhnya perancangan ALLAH SWT adalah yang terbaik buat hamba-NYA.

Hikmah di sebalik penangguhan haji sudah tentu tidak ada yang tahu kerana itu rahsia ALLAH SWT. Akan tetapi, dapat difahami bahawa dengan izin ALLAH, seluruh jemaah haji dapat terhindar daripada wabak Covid-19.

Maka, dalam hal itu, kesabaran amatlah ditigah sehingga kerajaan benar-benar yakin bahawa penularan wabak Covid-19 dapat dikawal demi kemaslahatan rakyat termasuk jemaah haji pada tahun ini.

Kepada yang tertangguh untuk menunaikan ibadah itu pada tahun ini, panjatkanlah doa dan tingkatkan amal ibadah dengan penuh ketaatan serta bersangka baik. Semoga ALLAH SWT mengabulkan doa setiap bakal jemaah

untuk menjadi tetamu ALLAH pada tahun berikutnya.

Sesungguhnya tindakan kerajaan menangguhkan penghantaran jemaah haji Malaysia juga adalah tepat dengan mengambil kira situasi hari ini. Jelas sekali maqasid syariah berperanan sebagai langkah dan panduan kepada umat Islam dalam mendepani penularan wabak Covid-19. Wallahu'lam.

Sumber: Majlis Agama Islam Selangor

PREMIS UNTUK DISEWA DI KAWASAN PUNCAK ALAM



PUSAT PERDAGANGAN HILLPARK1

- ✓ 2 km ke UiTM Puncak Alam
- ✓ 3 km ke McDonald Puncak Alam
- ✓ 6 km ke Masjid Puncak Alam
- ✓ 6 km ke Tesco Puncak Alam
- ✓ 6 km ke SK Puncak Alam
- ✓ 6 km ke SMK Puncak Alam

KELUASAN:

3078 kaki persegi / seunit

SEWAAN:

Tingkat Bawah : RM3,700.00
Tingkat Satu : RM1,300.00
2 unit bersebelahan

60192640631, 60192302040

03-55143400 sambungan 2187

INFO: <https://www.mais.gov.my/sewaan/>